

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उधमपुर जिले च पेश आए दे इक शिड़क हादसे च 21 लोक मारे गए ते 29 होर दुए जख्मी होई गे न।
2. मुखमंत्री उमर अब्दुल्ला होरें जम्मू-पुंछ राष्ट्री जरनैली शिड़के पर 2 अशारिया 7 किलोमीटर लम्मी सुंगल सुरंग दी प्रगति दा जायजा लैता।
3. मुखमंत्री उमर अब्दुल्ला होरें दर्जा बधाए गेदे नौशेहरा उपजिला अस्पताल दा उद्घाटन कीता, एहदे अलावा उनें नौशहरा च फलाईओवर ब्रिज थमां थाथी राहें हंजना पुल तगर नर्मी बनाई गेदी दऊं लेन आली शिड़क दा बी उद्घाटन कीता।
4. जंगलात मंत्री जावेद अहमद राणा होरें जम्मू-कश्मीर च जंगलात हक्के सरबन्धी कनून दी पालमा करने च तेजी आहनने ते अमलावरी यकीनी बनाने दे निर्देश दिते।
5. रेलवे नै वर्मीकम्पोज्ड फर्टीलाइजर यानि गंडोए आले हैल दी पैहली खेप अनंतनाग पजाई।

<><><><><><>

Accident

उधमपुर जिले च पेश आए दे इक शिड़क हादसे च 21 लोक मारे गए ते 29 होर दुए घाऽल होई गए न। आकाशवाणी जम्मू दे संवाददाता दी रिपोर्ट मूजब बड्डलै तकरीबन 10 बजे रामनगर दे खगरोट थाह इक त्रिक्खे मोड़ कश एह हादसा पेश आया। हादसे मगरा घाऽलें गी अस्पताल पजाया

गेआ जिंदे चा किश दी हालत चिंता आहली दस्सी गई। गंभीर तौर पर घाऽल 2 लोकें गी जीएमसी जम्मू आहन्नेआ गेआ। एह बस उधमपुर जा'रदी ही जिसले एह हादसा पेश आया। राष्ट्रपति द्रौपदी मुर्मू, प्रधानमंत्री नरेंद्र मोदी, उपराज्यपाल मनोज सिन्हा, मुखमंत्री उमर अब्दुल्ला, उपमुखमंत्री सुरिंद्र चौधरी ते होरनें दुए मंत्रिएं बी इस बस हादसे पर दुख ते बसोस जाहिर कीता ऐ। इस हादसे पर दुख ते बसोस जाहिर करदे होई मुखमंत्री उमर अब्दुल्ला होरें आखेआ

<><><><><><>

Accident Fin Asst.

मुखमंत्री उमर अब्दुल्ला होरें हादसे पर दुख ते बसोस जतांदे होई आखेआ जे कोई बी माली इमदाद इस नुसकान गी पूरा नेई करी सकदी ऐ। उनें मुखमंत्री राहत कोष थमां मारे गेदे लोकें दे परोआर गी सहायता, गंभीर तौर पर घाऽलें गी इक्क-इक्क लक्ख रपे ते ममूली तौर पर जखिमयें गी 25-25 जहार रपे देने दी घोशणा कीती ऐ। प्रधानमंत्री नरेंद्र मोदी होरें उधमपुर जिले च पेश आए दे शिड़क हादसे च मारे गेदे लोकें दे नेइमें रिश्तेदारें गी 2-2 लक्ख रपे ते घाऽलें गी 50-50 जहार रपे देने दी घोशणा कीती ऐ।

<><><><><><>

CM-Sungal Tunnel

मुखमंत्री उमर अब्दुल्ला होरें जम्मू पुंछ राष्ट्री जरनैली शिड़क पर सुंगल सुरंग परियोजना दा जायजा लैता। नौशहरा जंदे मौके मंत्री होरें सुंगल सुरंग परियोजना दा जायजा लैता। इस बारें जानकारी मुखमंत्री होरें सोशल मीडिया पोस्ट एक्स पर दिती। दौरें दरान उनेंगी निर्माण दी स्थिति बारें जानकारी दिती गई। एह सुरंग अखनूर ते पुंछ बश्कार राबता कायम करोग ते एह रणनीतिक तौर पर महत्वै आहली जरनैली शिड़क पर बनने आहली 4 सुरंगें चा इक ऐ।

<><><><><><>

CM.Nowshera

मुख्यमंत्री उमर अब्दुल्ला होंरें अज्ज नौशहरा दे दर्जा बदाए गेदे उपजिला अस्पताल दा उद्घाटन कीता। 100 बिस्तरें आले इस अस्पताल दी नमीं ईमारत दा निर्माण 1 जहार 818 लख 40 जहार रपें दी लागत कन्नै कीता गेआ ऐ। एहदे अलावा मुख्यमंत्री होंरें फलाईओवर ब्रिज थमां थाथी राहें हंजना पुल तगर इक नमीं बनाई गेदी दऊं लेन आली शिड़क दा बी उद्घाटन कीता। इस मौके पर मुख्यमंत्री हुंदे कन्नै उपमुख्यमंत्री सुरिंद्र चौधरी, सेहत मंत्री सकीना इतू ते मुख्यमंत्री हुंदे सलाहकार नासिर असलम वाणी होर बी मौजूद हे। किट्ठ गी संबोधित करदे होई मुख्यमंत्री होंरें आखेआ जे सरका समूलचे जम्मू-कश्मीर च सेहत सरबंधी ढांचे गी मजबूत करने ते हर इक इलाके च लोकें तगर म्यारी मेडिकल सेवां पुजाने गी यकीनी बनाने लेई बचनबद्ध ऐ।

<><><><><><>

Tech. Saksham

केनाल रोड जम्मू स्थित कन्वेंशन सेंटर च इक रोजा कार्यशाला दा सरिस्ता कीता गेआ। एहदा सिरलेख हा टेक सक्षम। एहदा मकसद सरकारी कर्मचारिणं दा सूचना टेकनालजी आहले सेक्टर च समर्थ निर्माण करना, एहदा उद्घाटन मुख् सचिव अटल डुल्लू होंरें कीता। इस मौके पर प्रदेश चुनां आयुक्त शांतमनू ते होर दुए वरिष्ठ अधिकारी मौजूद हे। मगरा मीडिया कर्मिणं कन्नै गल्ल करदे होई मुख् सचिव अटल डुल्लू होंरें आखेआ

<><><><><><>

Rana-FRA

जंगलात मैहकमे दे मंत्री जावेद अहमद राणा होंरें अधिकारियें गी निर्देश दिते न जे ओह समूलचे जम्मू-कश्मीर च जंगलात हकें दी मान्यता सरबंधी कनून 2006 दे तैहत अनुपालन तंत्र च तेजी

आहन्नन ते सुधार करन। जम्मू दे सिविल सचिवालय च लग्गी दी इक उच्ची सतह दी समीक्षा बैठक दरान एह निर्देश दिते गे तां जे प्रदेश च इस कन्नू गी लागू करने च होई दी प्रगति दा जायजा लैता जाई सकै। मती कुशल ते पारदर्शी प्रणाली दी जरूरतै पर जोर पांटे होई मंत्री होरें अधिकारियें गी निर्देश दिते जे जंगलात सरबंधी हक्कें दी मानता च तेजी आहन्नन ते जिला सतह पर जंगलात अधिकार कन्नू दी समें सिर अमलावरी गी यकीनी बनान।

<><><><><><>

Vermicompost-Shipment

उत्तर रेलवे दे जम्मू डिविजन नै अंबाला थमां अनंतनाग च वर्मीकम्पोस्ट फर्टीलाइजर यानि के गंडोए आले हैल दी पैहली खेप पजाइयै माल ढोआई दे खेतर च इक महत्वपूर्ण उपलब्धि हासल कीती ऐ। आकाशवाणी दे जम्मू संवाददाता नै जानकारी दिती ऐ जे डिविजन दी बपार विकास इकाई आसेआ एह गेंह इस करियै पुट्टी गई ऐ तां जे लौहके बपारियें गी रेलवे आसेआ सर्मिन दिता जाई सकै। सीनियर डिविजनल कमर्शियल मैनेजर उचित सिंघल होरें दस्सेआ जे इस खेप च हैल दे 1 जहार 200 बोरे शामिल हे, जेहदा वजन तकरीबन 60 टन हा। इसी अंबाला च सीकरी फार्म्स आसेआ भेजेआ गेआ हा ते कामयाबी कन्नै कश्मीर तगर पजाई दिता गेआ।

<><><><><><>

Nasha Mukht-Samba

उपराज्यपाल मनोज सिन्हा हुंदे आसेआ शुरू कीते गेदे 100 दिन दे नशामुकत अभियान दे तैहत साम्बा जिले दी विजयपुर थाहर जिला प्रशासन नै गैर सरकारी संगठन, सिविल सोसयटी, सरबंधी धड़ें, मन्ने-परमन्ने दे लोकें दी शिरकत कन्नै व्यापक जागरूकता रैली कइडी। इस मौके पर साम्बा दियां डिप्टी कमिशनर आयुषी सुदन, एसएसपी साम्बा अनुज कुमार होर मौजूद हे। इस मौके

प्रतिभागिएं अपने सुझा दिते। इस मौके पर आकाशवाणी समाचार कन्नै गल्ल करदे होई डी.सी साम्बा ते एसएसपी साम्बा होरें आखेआ

<><><><><><>

Nomads

कठुआ जिले दे उप्परले इलाकें च खानाबदोश लोकं अपनी जातरा शुरू करी दिती ऐ कीजे मैदानी इलाकें थमां दच्छन, किशतवाड़, पाइडर, मचेल, भद्रवाह ते जंस्कार ज्नेही उच्चिएं धारें पर गर्मियें आस्तै तकरीबन 200 बकरवाल परोआर अपने माल-मवेशियें कन्नै निकली चुके दे न। बर्फू कन्नै खटोए दे पहाड़ें गी पार करदे होई उनें कठुआ जिले थमां डोडा जिले दे भद्रवाह च दाखल होना शुरू करी दिता ऐ। उंदी जातरा हर बरे अप्रैल म्हीने कठुआ ते पंजाब थमां शुरू हुंदी ऐ ते इक म्हीने दी जातरा परेंत चनाह घाटी च जाइयै सम्पन्न हुंदी ऐ। अपनी जातरा बारै गल्ल करदे होई खानाबदोश लोकें चा इक नै आखेआ

<><><><><><>

CRPF-Raising Day

सी.आर.पी.एफ ग्रुप सेंटर हीरानगर आसेआ 14मां स्थापना दिवस मनाया गेआ। इस दरान शहीदें गी श्रद्धांजलि भेंट कीती गई। डी.आई.जी डी.सी सी.आर.पी.एफ मनीष कुमार सचर होरें इस मौके पर बोलदे होई इस मौके पर आखेआ जे स्हाड़े शहीदें दा बलिदान सर्वोपरि ऐ। स्हाड़े शहीदें दे बलिदान ते उं'दी निष्ठा भावना कन्नै मुख्य सुरक्षित ऐ ते प्रगति करा'रदा ऐ। उनें आखेआ

<><><><><><>